

ԴԱՏԱՎՈՐ ՍԻՄԻՋԱՐ ՀՈՎՍԵՓՅԱՆԸ ԱՐԴՅՈՔ ՀԱՄԱՄԻՏ ԷՐ ԻՐ ԻՍԿ ԿՈՂՄԻՑ ԿԱՅԱՑՎԱԾ ԴԱՏԱԿԱՆ ԱԿՏԻՆ

25.05.2012 00:00

ՓԱՍՏԱԲԱՆՆ ԸՆԴԴԵՄ ՀԱՅՈՒՈՒՍԳԱԶԱՐԴԻ ԳՈՐԾՈՎ ՆԱԽԱԳԱՀՈՂ ԴԱՏԱՎՈՐ ՍԻՄԻՋԱՐ ՀՈՎՍԵՓՅԱՆԸ ԱՐԴՅՈՔ ՀԱՄԱՄԻՏ ԷՐ ԻՐ ԻՍԿ ԿՈՂՄԻՑ ԿԱՅԱՑՎԱԾ ԴԱՏԱԿԱՆ ԱԿՏԻՆ

Արաբկիր և Քանաքեռ-Զեյթուն վարչական շրջանների ընդհանուր իրավասության դատարանում, դատավոր Սիմիզար Հովսեփյանը «Հայրուսեփազարդ» փակ բաժնետիրական ընկերության դեմ Գևորգ Դավթյանի՝ վնասների հաշվառմամբ գազամատակարարումը վերականգնելու պահանջի մասին հայցով նշանակված հրապարակման օրը՝ 15.05.2012թ.-ին, չկարողացավ հրապարակել դատական ակտը, քանի որ, ըստ քարտուղարի, առկա էին մի շարք տեխնիկական թերություններ, մասնավորապես՝ համակարգչի հետ կապված խնդիր է առաջացել, որի լուծման համար մասնագետ պետք է հրավիրել: Այնուհանդերձ, հաջորդ օրը ես այցելեցի Դատարան և Դատարանի աշխատակցից առձեռն ստացա դատարանի վճիռը:

Հիշեցնենք, որ 2011թ. հոկտեմբերի 20-ին գազի ցուցմունքներ վերցնող Հայրուսեփազարդ ընկերության աշխատակցուհին երկու մյուս աշխատակիցների հետ, առանց զգուշացնելու, հանել էին փաստաբանին պատկանող բնակարանի գազի հաշվիչը, որի արդյունքում դադարեցվել էր բնակարանի գազամատակարարումը: Մինչ օրս բնակարանի գազամատակարարումը վերականգնված չէ, անգամ անտեսվել է ՀՀ Հանրային ծառայությունները կարգավորող Հանձնաժողովի (պետական մարմին) որոշումը, որով պահանջվել էր վերականգնել իմ բնակարանի գազամատակարարումը:

Այդ վճիռը ուղղակի աննախադեպ էր իմ փաստաբանական գործունեության մեջ, քանի որ ըստ էության դատարանը որոշել էր, որ Հայրուսեփազարդը ինձ պետք է հատուցի մոտ 15.000 ՀՀ դրամ /դա իմ պահանջած գումարից մի հատված էր/ քանի որ Հայրուսեփազարդը խախտել էր իր պայմանագրային պարտավորությունները, սակայն մերժել էր իմ բնակարանի գազամատակարարման վերաբերյալ պահանջը, ինչպես նաև մյուս վնասների հատուցումը: Երբեք չէի մտածի և անգամ կանխատեսի, որ հնարավոր է նման վճիռ կայացնել, քանի որ ըստ էության բավարարվում է ածանցյալ պահանջի մի մաս, որը ուղիղ համեմատական է հիմնական պահանջից: Այսինքն, իմ հիմնական պահանջը եղել է գազամատակարարման վերականգնումը, որից էլ կախված է վնասների հատուցումը:

Դատավոր Ս. Հովսեփյանը մինչև դատական ակտը կայացնելու պահը ողջ դատավարական պրոցեսի ընթացքում իր հարցերով, իր նախագահությամբ այնպիսի տպավորություն էր թողում, որ կարծես կանխատեսելի էր դառնում, որ իսկապես պետք է վերականգնի իմ խախտված իրավունքները, սակայն ինչպես նկատում ենք, այստեղ մենք նույնպես անակնկալներից զերծ չմնացինք: Անակնկալ էր այդ դատական ակտը նաև ինչու, որովհետև դատաքննության վերջին փուլում իմ կողմից դատական օրենսգրքի 15-րդ հոդվածի 3-րդ կետի հիմքով դատարանին էր ներկայացվել նաև վերջերս ԵԿԴ /2589/02/10 քաղաքացիական գործով կայացված օրինական ուժի մեջ մտած դատական ակտ, որը ուղղակի և անմիջական կապ ուներ նաև գործի քննության համար, քանի որ նմանատիպ գործ էր, և այնտեղ տրված էր իրավական այնպիսի դիրքորոշում, որը ուղղակիորեն պաշտպանում էր հայ սպառողի խախտված իրավունքները: Որպեսզի յուրովի չմեկնաբանեմ, ապա ուղղակի մեջբերեմ այդ ԵԿԴ /2589/02/10 գործով Վերաքննիչ դատարանի որոշումից այն ելակետային հատվածը, որը անհրաժեշտ և օգտակար կլինի բոլոր սպառողների համար: Այսպես **“...Վերաքննիչ դատարանն արձանագրում է, որ ՀՀ քաղաքացիական օրենսգրքի 559-րդ հոդվածի 1-ին կետի համաձայն՝ «Էներգամատակարարման պայմանագրով պարտավորությունները չկատարելու կամ անպատշաճ կատարելու դեպքում պարտավորությունը խախտած կողմը պարտավոր է մյուս կողմին հատուցել պատճառված իրական վնասը (17 հոդվածի 2-րդ կետ)»:** Այսինքն՝ **օրենսդիրն էներգամատակարարման պայմանագրային իրավահարաբերություններում ևս**

քաղաքացիաիրավական պատասխանատվությունն ուղղակի կախման մեջ է դնում մեղքի առկայությունից: Այսինքն՝ քանի դեռ չի ապացուցվել կողմի մեղավոր գործողությունը (անգործությունը), նրա նկատմամբ էներգամատակարարման պայմանագրային իրավահարաբերություններում չի կարող առաջ գալ քաղաքացիաիրավական պատասխանատվություն:

Բացի այդ, ՀՀ քաղաքացիական օրենսգրքի 555-րդ հոդվածի 2-րդ կետը սահմանում է, որ «Այն դեպքում, երբ էներգամատակարարման պայմանագրով որպես աբոնենտ հանդես է գալիս էներգիան կենցաղային սպառման համար օգտագործող քաղաքացին, էներգետիկ ցանցերի, ինչպես նաև էներգիայի օգտագործման հաշվիչ սարքերի պատշաճ տեխնիկական վիճակի և անվտանգության ապահովման պարտականությունը դրվում է էներգամատակարարող կազմակերպության վրա, եթե այլ բան նախատեսված չէ օրենքով կամ այլ իրավական ակտերով»: Փաստորեն, վերը ներկայացված իրավանորմերի ուժով՝ սույն քաղաքացիական վեճին լուծում տալու համար դեռևս բավարար չէ գազահաշվիչի շրջանցմամբ բնական գազը հայցվորի կողմից օգտագործված լինելու հանգամանքի հաստատված լինելը: Տվյալ դեպքում անհրաժեշտ է պարզել, թե հաշվիչ սարքի պատշաճ տեխնիկական վիճակի և անվտանգության ապահովման պարտականությունն արդյոք օրենսդրությամբ դրված է եղել հայցվորի վրա: Եվ բացի այդ, եթե նման պարտականություն օրենսդրորեն դրված է եղել հայցվորի վրա, ապա արդյոք հաշվիչի անսարքության մեջ առկա է եղել նրա մեղավորությունը: Նշվածի առումով Դատարանը քննություն չի իրականացրել, որի արդյունքում՝ կայացրել է չհիմնավորված դատական ակտ:”

Ահա վերևում բերվածը՝ Վերաքննիչ դատարանի որոշման առանցքային պատճառաբանական մասն է, որը և ոչ այլ ինչ է, քան օրենքի ուղղակի մեջբերում: Այդ դատական ակտը ՀայրուսԳազարդի կողմից բողոքարկվել էր Վճռաբեկ դատարան, որը սակայն վերադարձրել էր: Այսինքն, Վճռաբեկը ըստ էության համամիտ է եղել Վերաքննիչի որոշման հետ: Էլ չեմ ասում, որ մեր գործով, ի տարբերություն մեջբերված գործի, անգամ գազահաշվիչի խախտման փաստը ապացուցված չէ:

Ցավալիին այն է, որ դատավոր Սիմիզար Հովսեփյանին այդ դատական ակտը Հայցվորիս կողմից տրվել էր դատաքննության փուլում և նա, փաստորեն, մինչև վճիռ կայացնելը գիտեր այդ մասին, թեև առանց այդ դատական ակտի էլ, ակնհայտ էր ՀայրուսԳազարդի կողմից կատարված խախտումները: Այստեղ հարց է առաջանում, որ Դատավորը արդյոք հավատում է իր իսկ կողմից կայացրած դատական ակտին, կարծում եմ, որ՝ ոչ: Կրկին հարց է առաջանում, այդ դեպքում ինչն էր պատճառը...: Ես միայն կարող եմ մտածել, որ ՀայրուսԳազարդ ընկերությունը փորձում է ամեն կերպ, տարբեր ռեսուրսների օգտագործմամբ՝ վրեժխնդիր լինել այն քաղաքացուց, որը փորձում է դեմ դուրս գալ իրեն: Սակայն մեկ բան հաստատ կասեմ, որ ես կպայքարեմ մինչև վերջ, և այդ պայքարը գնալով ավելի մեծ թափ կստանա, քանի որ այն առնչվում է ոչ միայն իմ շահերին, այլ ցանկացածի, նման իրավիճակներից ապահովվագրված չէ անգամ դատավոր Սիմիզար Հովսեփյանը:

Դատավոր Սիմիզար Հովսեփյանի կողմից այդ անկանխատեսելի վճիռը մոտ օրերս բողոքարկելու եմ ՀՀ Վերաքննիչ դատարան, որի հետագա ընթացքը նույնպես կներկայացվի:

Իրականում նպատակը ոչ թե ՀայրուսԳազարդ ընկերության կողմից կազմված ակտով գումարի չվճարելն է, որը կազմում է ընդամենը 151.000 ՀՀ դրամ, այլ ուղղակի իմ, որպես քաղաքացու, խախտված իրավունքի վերականգնումը, որը նաև համընդհանուր շահ է: Թեև դրանով չեմ բացառում, որ գումարը էական չէ, բայց հավատացե՛ք, ես այդ գումարի տասնապատիկն էմ ծախսել ՀայրուսԳազարդի պատճառած վնասի համար: Պատկերացնում եք, մի ամբողջ ձմեռ ես գազազրկված եմ եղել, ինչի հետևանքով նաև բնակարանիս նոր վերանորոգումը մասամբ վնասվել է, նոր գնված գազի կաթսան մատնվել է անգործության, բազմաթիվ

անհարմարություններ են առաջացել, որոնք լի են եղել բացասական հետևանքներով: Էլ չեմ ասում բարոյական վնասի մասին: Վերջ ի վերջո մենք պետք է վերջ դնենք նման ապօրինություններին: Ես հավատում եմ, որ կյանքում ոչինչ անպատասխան չի մնում, այդ իսկ պատճառով համոզված եմ, որ ցանկացած պայքար բերելու է ցանկալի արդյունքի և ցանկացած իրավախախտ անձ պատասխան է տալու իր գործողությունների համար:

Ես կարող էի չնչին մի քանի հազար դրամ վճարել և հարցը փակել, քանի որ բազմիցս Հայրուհիագարդը ինձ դա առաջարկում էր, միայն թե ես դադարեցնեի պայքարը (չեմ բացառում նաև, որ Հայրուհիագարդը հերքի նման առաջարկի առկայությունը, սակայն դա արդեն իրենց խնդիրն է):

Անգամ Հայրուհիագարդը իմ բողոքների պատճառով, հարցը դատարան տեղափոխելու պատճառով, փորձեց հանցագործության մասին հաղորդում տալու միջոցով ինձ քրեական պատասխանատվության ենթարկել: Նպատակը միայն մեկն էր, որպեսզի ես դադարեցնեի իմ օրինական բողոքները և այդ հարցը չբարձրաձայնեի, կամ արդյունքում պարտվեյի : Իհարկե, դա նրանց չհաջողվեց, քանի որ իրականությունը այլ էր:

Ուսումնասիրել եմ մեր դատական համակարգում առկա նման գործերը, և գիտեք ինչին եմ ակնատես եղել, որ նման գործերի գրեթե 90 տոկոսը, որոնք նաև այդքան էլ շատ չեն, Հայրուհիագարդը հաշտություն է կնքել, բացի մի քանի գործից, որոնցից մեկի մասին արդեն վերևում հիշատակել եմ: Սույն գործն էլ կարող էր հաշտությամբ վերջանալ և ևս հեշտությամբ խուսափեի հետագա անհարմարություններից, նյութական և բարոյական վնասներից, սակայն մենք բոլորս պետք է բարձր գնահատենք մեր իրավունքները և պայքարենք ցանկացած իրավունքի ոտնահարման դեմ, որպեսզի արդյունքում ունենանք այն երկիրը, որ ցանկանում ենք: Հաշտությունը, իհարկե, լավ բան է, սակայն դրա պայմանները երբեք չպետք է ոտնահարեն մարդու իրավունքը, ոչ միայն իմ, այլ նաև Ձեր իրավունքը: Քանզի մինչև հիմա իմ բնակարանի գազամատակարարումը վերականգնված չէ, իմ իրավունքների խախտումները շարունակվում են, ինչին փաստորեն դեմ չէ դատավոր Սիմիզար Հովսեփյանը: Ակնեղծ ասեմ, իմ կյանքում գրեթե յուրաքանչյուր հարց հեշտությամբ չի լուծվել, անխուսափելի են եղել դժվարությունները, սակայն դրանք ինձ չեն հաղթահարել, այլ ընդհակառակը, այդ դժվարությունները իմ ճանապարհը լուսավորել են և առաջ են մղել: Այս դատական վարույթը դրանցից մեկն է, որը նոր դուռ է բացելու ոչ միայն ինձ, այլ նաև մյուս բոլոր այն քաղաքացիների համար, որոնք կհանդիպեն նման խոչընդոտների:

Ակամա հիշեցի մեր շատ սիրված Պարույր Սևակի ստեղծագործությունից մի հատված՝

Ինչ խոսքեր ասեմ այն ձեռագրդին,

Որ չի հասկացվում, բայց կարդացվում է:

Ասեմ, թե խղճամ այն տարեգրդին,

Որ նյութ է սարքում,

Ոչ թե հավաքում:

Խղճամ, թե ատեմ այն տարագրդին,

Որ միշտ ապրում է...իր հայրենիքում...

Թուհ, ինչքան բան կա կյանքում ատելի,

Ես չգիտեի...

Պ. Սևակ

Որպես վերջաբան ասեմ, պայքարեք Ձեր իրավունքների անգամ աննշան խախտման դեմ, դրանով Դուք ոչ միայն կվերականգնեք խախտված իրավունքները, այլև կբացառեք բոլորիս իրավունքների ոտնահարումը:

17.05.2012թ.

Փաստաբան՝ Գևորգ Դավթյան

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```